

«La chanzun rumantscha»

Uniun, concurrenza e festival deditgads al chant rumantsch

Il 2018 han amaturas ed amatars dal chant rumantsch fundà a Trun l'uniu «La chanzun rumantscha». Chattà.ch preschenta l'uniu, la concurrenza ed il festival a basa da las infurmazions accesibles sur il portal www.chanzunrumantscha.ch.

L'uniu

La Rumantschia viva. Quai na sa mussa betg il pli davos en il chant ed en la chanzun rumantscha. I dat millis chanzuns da tut gener. Chanzuns popularas, chanzuns religiusas, chanzuns da festa etc. Grondius cumponists ed auturs han contribuì bler, han scrit nundumbras las chanzuns d'auta qualitat, e mintgina da quellas è in crappin che furma la fin finala il mosaic da la chanzun rumantscha. Mintga chanzun è perditgada noss patratgs, nossas temas, nossa mentalidad, nossa cultura.

E nossa cultura furma ina part da noss'identidad. En la Bassa sentan ins adina puspè ch'i regia in'auta stima per la cultura da chant rumantsch. Quai è bel e nus da stgains avair plaschair da quai. Dentant — vivain nus vairamain dal tuttafatg en il

preschent, ubain vivain nus anc adina dals temps passads? Noss cumponists, pia ils auturs e stgaffiders da las chanzuns da chor, vegnan pli e pli scarts.

Per sa confruntar a moda activa cun questas sfidas actualas, è sa furmada il 2018 l'uniu «La chanzun rumantscha». L'intent da quella è, tenor ils statuts, «la promoziun da la musica rumantscha en general e da la chanzun da chors en spezial. Ella fa quai per exemplum promover e derasar cumposiziuns rumantschas e cun organizar regularmain ina scuntrada, durant la qual vegn preschentada a la publicitat il chant e la musica rumantscha en tut sias furmas e fassettas».

La concurrenza da cumposiziun

Ina da las finamiras principales da la uniu è da promover cumposiziuns novas per noss chors. Perquai envidain nus avant mintga festival cumponistas e cumponists da crear cumposiziuns per enrigir la purschida per noss chors. Quellas vegnan valitadas d'ina giuria professiunala e preschentadas durant il festival. La decisiun è lura tar il public che tscherna sias chanzuns favoritas da mintga categoria. En connex cun la concurrenza è l'uniu er premurada da tigiar ina glista cun cumponists da chanzuns rumantschas.

Andament

A l'exempel da las preparativas en vista al festival dal 2022 a Zuoz, sa lascha l'andament da la concurrenza da cumposiziun descriver sco suonda:

Per la concurrenza da cumposiziun dal segund festival dal 2022 èn vegnidias inoltradas en tut 49 cumposiziuns. Quellas sa repartan sin las suandantas categorias: 13 chanzuns per chor d'uf-



Impressiun da l'emprima edizion dal Festival da la chanzun rumantscha l'onn 2019 a Trun.

FOTO: MAD

fants; 23 chanzuns per chor maschadà; 13 chanzuns per chor viril.

La giuria consista da trais musicistas e musicists da professiun, renconuschids en la scena da chors. Or da las chanzuns inoltradas ha quella selecziunà mintgamaï quatter cumposiziuns. Trais chors ad hoc emprendan las quatter chanzuns da las differentas categorias (chor d'uf-fants, chor maschadà, chor viril) e preschentan quellas a chaschun dal Festival a Zuoz al public. Silsuenter elegia il public en sala «La chanzun dal public». Las chanzuns ch'èn vegnidias selecziunadas vegnan publitgadas sin la pagina d'internet e stattan a disposiziun a chors interessads. Qua anc in pau statistica:

Las chanzuns tenor regiun/idiom

Chor d'uffants (13 chanzuns): 5x ladin, 6x sursilvan, 2x surmiran.

Chor maschadà (23 chanzuns): 10x ladin, 12x sursilvan, 1x surmiran.

Chor viril (13 chanzuns): 2x ladin, 10x sursilvan, 1x surmiran.

Auturas ed auturs dals texts da las 49 chanzuns (poetessas e poets)

12 chanzuns cun text dad Arnold Spescha, 4 dad Artur Caflisch e Luisa Famos, 3 dad Alfons Tuor, Jon Guidon e Tresa Rüthers-Seeli, 2 dad Armin Caduff, Leza Uffer e Victor Durschei, 1 div.

Il victur da l'emprima concurrenza

Purtret

Gion Andrea Casanova ha survegnì il 2019 per sia cumposiziun «Aurora» il terz premi ed il premi dal public.

Il cumponist ha 48 onns, è creschiù si a Laax en ina famiglia zunt musicala. El ha fatg divers studis da musica, uschia a la Scola auta a Lucerna e là ha el er fatg ses diplom da concert sco fagottist. El ha

er absolvi curs da maister a Vienna, è commember da la Filarmonia da chombra dal Grischun e magister da musica tar diversas scolas. Sper quai è el er chantadur tar ils Furbaz.

Gion Andrea Casanova è da chasa en blers geners da musica, da la classica fin tar la musica da divertiment ed er sco cumponist autodidact ha el in spectrum zunt vast.

Intervista

Tge ha animà vus da participar il 2019 a la concurrenza da cumposiziuns dal Festival da la chanzun rumantscha?

Jau sun vegnì en contact cun quest festival da chant entras Clau Scherrer. El ha animà mai da prender part a quest eveniment en furma cumpositorica. Plinavant è la motivaziun crescida cun il patratg da savair contribuir uschia ina pitschna part a la realisaziun da questa festa culturala.

Vossa chanzun porta il titel «Aurora», tenor in text da Arnold Spescha. Tge ha plaschi vi da quella poesia?

En general ma commuuentan las poesias dad Arnold Spescha grondemain. Bleras èn tschentadas curt, resunan dentant lung en l'olma da quel che las legia. «Aurora» è ina da quellas poesias. L'intensitat ed il pled e la furma libra envidan a siemiar en tuns.

Co avis vus chattà l'inspiraziun per la melodia?

La naschida dal di è in act intim da la natira. Quella intimidad è seraina e fragila. Or da quella imaginaziun è la melodia naschida adascus.

Las chanzuns da la concurrenza da cumposiziun duain er vegnir chantadas da chors laics. Co avis vus empruvà da resguardar quai?

«Aurora» sa preschenta en in vestig cumplettamain tonal e levgescha uschia al chantadur l'access musical. Ultra da quai na datti entaifer la chanzun naginas midadas da tact, la ritmica da la melodia suonda en furma organica quella da la poesia e las vuschs sa movan a moda ruassaiyla ed unitara. La sonoritad predominesch, la virtuositat tschessa.

Cur che la chanzun è vegnida chantada l'emprima giada, essas vus stads satisfatg?

Jau haj già grond plaschair da l'interpretaziun e sun anc oz engraziaivel al chor e dirigent per lui grond engaschi a favur da nossa verva, nossa cultura da chant.

Avais vus survegnì reacziuns da l'autur Arnold Spescha e da chorus ch'han prendi «Aurora» en lur repertori?

Arnold ed jau essan curt ans embratschads il di dal festival, el è ina gron-

diusa personalidad. Igl ha dà intginas reacziuns bainvulentas ed intginas chors han er già chanta «Aurora», tranter auter il Chor da giumentetgna grischun.

Pudais vus recumendar ad autres cumponists e cumponists da far quest'experiencie e da participar a la concurrenza da cumposiziuns?

Jau sun sta intgantà da quest festival. Nus Rumantschs essan pelvaira in pievel da chant. E perquai dovri novas chanzuns rumantschas. Ina concurrenza da cumposiziun è ina bona plattaforma per novas creaziuns. Quai po dar novs impuls als cumponists indigens, ma er giàvinar cumponists d'ordaifer da sa participar a la concurrenza. Gugent aveiss jau er udì las chanzuns che n'èn betg vegnidias unidradas. Quai è l'autra vart da la medaglià d'ina concurrenza, il cumponist ristga che ses toc na vegn betg resguardà. Quai sto el savair avant ch'el tschenta ses emprim tun sin palpiri.

Il festival

L'emprim festival da la chanzun rumantscha ha già lieu il mars 2019 a Trun, il segund suonda il fanadur 2022 a Zuoz. En il center è puspè il chant rumantsch, en spezial il chant ladin, cun sias ritgas furmas e spartas sco chant da chor, chant da compagnia, chant d'uf-fants e chant en famiglia, chantauturs, pop e rock.

La finamira dal festival

Per pudair mantegnair ragischs, èsi da grond'importanza ch'i dettia adina puspè nova chatschs. Uschiglio daventa nostra cultura museala. Bain savend ch'igl ha dà differentas emprovas en quella direcziun, èn ils organisaturs dal Festival da la chanzun rumantscha per-svidids da la necessitat d'organisar ina fin d'ema che duai star dal tuttafatg sut l'ensaina da la musica, en spezial da la chanzun rumantscha. In festival da la chanzun rumantscha ch'avess lieu regularmen mintga traiss onns, fiss pia ina scuntrada interrumantscha.

Quai per vegnir conscient da qui ch'exista già, lura dentant er per stgaffir ina plattaforma per novas ideas. Cun sias registraziuns ed emissiuns fa Radio-television Rumantscha già dapi onns grondas stentas per far punts tranter ils idioms e tranter las regiuns e valladas rumantschas. I dat anc blers grondius stgazis musicals che pon vegnir scuverts! Er quai duai esser in patratg central. Ins duai rimnar, publitgar e vegnir conscents da l'agen stgazi. Ils cumponists duajan survegnir ina plattaforma per

publitgar lur lavurs. Bler memia bleras lavurs van a perder sin in u l'auter fegl sgulant.

La discussiun

Per terminar las occurrenzas da l'emprim Festival da la chanzun rumantscha, il 2019 a Trun, èn Astrid Alexandre, Laura Decurtins, Peter Appenzeller, Iso Albin e Benedetto Vigne sa participads ad ina discussiun davart il chant rumantsch. Sut il titel «Impuls per l'avegnir dal chant rumantsch» ha Paul Duff rapportà davart quella per l'Agenatura da Novitads Rumantscha:

Iso Albin, perscrutader da l'istorgia dal chant rumantsch, fa a savair che las chanzuns da la guardia da notg e talas en famiglia sajan las pli veglias chanzuns chantadas en lingua rumantscha. Pli baud devi quasi per mintg'acziun in chant ed i vegniva er chantà a la lavur.

Nua è quai oz, sa dumonda Peter Appenzeller. Manca il basegn da chantar ed èn ils texts antiquads? Astrid Alexandre replica cun far curaschi d'adattar ils texts a la situaziun actuala da noss viver. Quai fa ella sezza senza retengnentschas. Ils arranschaments da cumposiziuns originalas tunan er auter, uschia èsi er pussaivel da renovar il text da poesias.

Tradiziun n'impedescha betg da transferir usits en novaziuns

La situaziun da chantar en chors è actualmain en moviment. Laura Decurtins è da l'avis ch'els chors da projects chattian dapli attracziun ed il chant en chors dal vitg giaja pli e pli enavos. L'aspect da la part sociala, il conversar cun il vischin vegnan fatgs oz tar outras occasiuns. Er il ritmus da set dis en repetiziun da las emprovas vegnia cumponsà en autra moda.

Or d'atgna experientscha sco pedagog da chant sa Albin ch'i vegn preferì da la giumentetgna da chantar texts englais. Ils scolars chantan dentant fitg gugent. En l'instrucziun a la Scola chantunala ha el dà suent als giavischs e chanta savens mo en duas vuschs cun ils students.

Tar la scena da rock e pop è uss vegni vitiers il rap. Benedetto Vigne sa dumonda a moda ironica «è rap propi chantà?». Ils chantauturs sa differenzie schan dal rock cun text pli elevà e musica qualitativa. Els èn buns da salvar piculezzas e finezzas che van a perder en la musica da tecno. L'individualitat che dastga promover cuntegns ironics e critics è lubida da vart da questas spartas. Il chant è qua in med da cumbat.

Ils chors d'uffants èn impurtants per il chant rumantsch en l'avegnir. Uffants vulan chantar. L'interess dad els va en direcziun «musical» ed ins na dastga betg avair tema sche tschertas modas van a perder, i vegn puspè insatge auter, è Decurtins persvaza. I n'è betg necessari da far squitsch. Dentant sa Albin or d'atgna experientscha che blers giuve-nils ston l'emprim emprender da laschar tunar lur vuschs.

Ina resumaziun dal discurs pudess tunar uschia: Restar libers e senza squitsch en il chantar, laschar crudar veglias modas ed esser averts per il nov, sco quai che las cumposiziuns da la concurrenza han demussà. Quai vala er per ils texts da chanzuns. Il giavisch e basegn da chantar èn gronds e tar ils Rumantschs anc adina pli actuals che tar auters pievels. L'organisaziun d'occurrenzas sco il festival portan la chanzun rumantscha en l'avegnir.

La preschentaziun:

Dossier «La chanzun rumantscha».

Dapli informaziuns:

chatta.ch/?hiid=4740
www.chattà.ch



UNIUN
LA CHANZUN
RUMANTSCHA